

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA SABA**

**KIKAO CHA AROBAINI NA TANO**

**12 JUNI, 2017**



# ORODHA YA SHUGHULI ZA LEO

---

## MKUTANO WA SABA

**KIKAO CHA AROBAINI NA TANO – TAREHE 12 JUNI, 2017**

**I. DUA:**

**II. HATI ZA KUWASILISHA MEZANI:**

**MWENYEKITI WA KAMATI YA BAJETI:**

Taarifa ya Kamati ya Bajeti kuhusu Hali ya Uchumi wa Taifa kwa Mwaka 2016 na Mpango wa Maendeleo wa Taifa kwa Mwaka wa Fedha 2017/2018 pamoja na Tathmini ya Utekelezaji wa Bajeti ya Serikali kwa Mwaka wa Fedha 2016/2017 na Mapendekezo ya Mapato na Matumizi ya Serikali kwa Mwaka wa Fedha 2017/2018.

**MSEMAJI MKUU WA KAMBI YA UPINZANI:**

Taarifa ya Msemaji Mkuu wa Kambi Rasmi ya Upinzani kuhusu Hali ya Uchumi wa Taifa kwa Mwaka 2016, Mpango wa Maendeleo wa Taifa kwa Mwaka wa Fedha 2017/2018 pamoja na Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2017/2018.

### III. MASWALI:

#### OFISI YA WAZIRI MKUU:

#### 364. MHESHIMIWA ESTHER MICHAEL MMASI (VITI MAALUM):

Atamuuliza Mheshimiwa Waziri Mkuu:- Serikali imekuwa na juhudi mbalimbali za kuinua kiwango cha ajira zisizo rasmi nchini:-

Je, nini mpango wa Serikali katika kuwawezesha Vijana wahitimu waweze kuingia rasmi kwenye Sekta ya Kilimo na Ufugaji.

#### OFISI YA RAIS (TAMISEMI):

#### 365. MHESHIMIWA FELISTER ALOYCE BURA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mkandarasi anayejenga Ofisi ya Halmashauri ya Wilaya ya Chamwino anaidai Serikali shilingi bilioni tatu kwa ajili ya kukamilisha jengo hilo la Halmashauri:-

Je, ni lini Serikali itamlipa Mkandarasi huyo kiasi hicho cha fedha ili ujenzi huo uweze kukamilika.

**366. MHESHIMIWA SIXTUS RAPHAEL MAPUNDA  
(MBINGA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kwa zaidi ya miaka kumi sasa Serikali imejenga jengo la ghorofa moja kwa ajili ya Ofisi ya Mkuu wa Wilaya ya Mbinga lakini Jengo hilo bado halijakamilika, ujenzi umesimama kwa muda mrefu hali inayosababisha jengo hilo kuharibika na kuanza kupoteza ubora wake:-

Je, Serikali ina mpango gani wa kukamilisha ujenzi wa jengo hilo.

**WIZARA YA KILIMO, MIFUGO NA UVUVI:**

**367. MHESHIMIWA ALLY SEIF UGANDO (KIBITI) :**

Atamuuliza Mheshimiwa Waziri wa Kilimo, Mifugo na Uvuvi:- Asilimia 90 ya wakazi wa Delta ya Mto Rufiji katika Kata za Salale, Maparoni, Mbuchi na Kiangoroni ni Wavuvi ambao hutumia mitumbwi isiyo na mashine na ndilo eneo pekee katika mwambao wa Bahari ya Hindi kunakopatikana samaki aina ya Kamba (*Prawns*) kwa wingi; na kwa kuwa Ilani ya Uchaguzi ya CCM ya mwaka 2015 imeazimu kuwapatia Wavuvi wadogo wadogo Wataalamu, vifaa vya kisasa vya uvuvi ili wajiendeleze na kuongeza Pato la Taifa:-



(a) Je, Serikali ina mpango gani wa kuwapatia Wananchi wa maeneo hayo semina kuhusu uvuvi bora na wa kisasa;

(b) Kwa kuwa mikopo hutolewa kwa vikundi mbalimbali; Je, Serikali itatoa mikopo kwa vikundi vya uvuvi vilivyopo kwenye maeneo hayo.

**WIZARA YA MAJI NA UMWAGILIAJI:**

**368. MHESHIMIWA ZUBERI MOHAMED KUCHAUKA (LIWALE):**

Atamuuliza Mheshimiwa Waziri wa Maji na Umwagiliaji:- Mji wa Liwale unakuwa kwa kasi lakini una chanzo kimoja cha maji ambacho kwa sasa hakiwezi kukidhi mahitaji hivyo kusababisha uhaba mkubwa wa maji:-


(a) Je, ni lini Serikali itachukua hatua ya kuwaondolea Wananchi adha ya upatikanaji wa maji;

(b) Je, Mradi wa kumwagilia wa Ngongowele utakamilika lini.

**369. MHESHIMIWA STANLAUS SHING'OMA  
MABULA (NYAMAGANA):**

Atamuuliza Mheshimiwa Waziri wa Maji na Umwagiliaji:- Jimbo la Nyamagana lina ukubwa wa Kilometa za mraba 256, kati ya hizo kilomita za mraba 71.56 ni eneo la maji ya Ziwa Victoria lakini bado Wananchi wake hawapati maji ya uhakika ya bomba hasa kwa zile Kata zilizoko nje ya Mji:-

Je, ni lini Serikali itahakikisha kuwa Wananchi wa Nyamagana wanapata maji ya uhakika hasa ikizingatiwa kuwa wamezungukwa na Ziwa Victoria.



**370. MHESHIMIWA GODFREY WILLIAM MGIMWA  
(KALENGA):**

Atamuuliza Mheshimiwa Waziri wa Maji na Umwagiliaji:- Miradi mbalimbali ya maji katika Jimbo la Kalenga imesimama kutokana na Wakandarasi kutolipwa licha ya Wananchi kukabiliwa na tatizo la maji:-

Je, ni lini Wakandarasi hao watalipwa.

## **WIZARA YA UJENZI, UCHUKUZI NA MAWASILIANO:**

### **371. MHESHIMIWA PETER JOSEPH SERUKAMBA (KIGOMA KASKAZINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Jimbo la Kigoma Kaskazini katika Kata ya Ziwani kuna tatizo kubwa la mawasiliano ya simu na hasa katika Vijiji vya Kalalangobo, Rubabara, Kigalye, Mtanga, Nyantole na Kazinga:-

Je, ni lini Wananchi hawa watapatiwa mawasiliano hayo.

## **WIZARA YA ELIMU, SAYANSI NA TEKNOLOJIA:**

### **372. MHESHIMIWA ASHA ABDULLAH JUMA (VITI MAALUM):**

Atamuliza Mheshimiwa Waziri wa Elimu, Sayansi na Teknolojia:- Baadhi ya Majengo na Mabweni katika Campus ya Chuo Kikuu Mzumbe Morogoro yana uchakavu mkubwa sana ikiwemo miundombinu ya maji vyooni:-

Je, kuna utaratibu gani wa kuyafanyia ukarabati Majengo hayo na hasa kuwapunguzia shida Wasichana wanaohitaji zaidi matumizi ya maji kuliko wengine.



## **WIZARA YA MAMBO YA NDANI YA NCHI:**

### **373. MHESHIMIWA HAWA SUBIRA MWAIFUNGA (VITI MAALUM)**

Atamuuliza Mheshimiwa Waziri wa Mambo ya Ndani ya Nchi:- Kumekuwa na wimbi kubwa la uhalifu unaofanywa na baadhi ya Madereva wa bodaboda na bajaji katika maeneo mengi Jijini Dar es Salaam:-

- (a) Je, Serikali mpaka sasa imechukua hatua gani kudhibiti wimbi hili linalokuwa tishio kwa watumiaji wa vyombo hivyo vya usafiri;
- (b) Je, Serikali ina utaratibu gani wa kuhakiki na kutambua Mmiliki, Dereva na mahali zinapopaki bajaji na bodaboda.

#### **IV. HOJA ZA SERIKALI:**

##### **WAZIRI WA FEDHA NA MIPANGO:**

Kwamba, Bunge likubali kujadili Hali ya Uchumi wa Taifa kwa Mwaka 2016 na Mpango wa Maendeleo wa Taifa kwa Mwaka wa Fedha 2017/2018.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2017/2018.

**DODOMA  
12 JUNI, 2017**

**DKT. T. D. KASHILILAH  
KATIBU WA BUNGE**